



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

LXI. Item aliud pro monasterio sanctae Gratae in dioecesi Vrgellensi.

urn:nbn:de:hbz:466:1-22974

meliorem semper obtineat vigorem, de anulo nostro subter iustissimus sigillari.

Deomarius Notarius ad vicem Ludovici recognovit.

Data XIV. Kal. Iunij Indictione VII. anno IV. regnante Karolo glorioso Rege, in monasterio sancti Saturnini, dum obsideretur Tolosa, in Dei nomine feliciter. Amen.

L X.

Præceptum Karoli Calvi pro Teodofredo filio Ioannis.

An. 844.
Ex archie-
piscopi
Narbonen-
sis.

IN nomine sanctæ & individue Trinitatis, Karolus gratia Dei Rex, si fidelium nostrorum petitionibus benignum commodam assensum, regiam exercemus consuetudinem, & hoc postmodum iure firmissimo mansurum esse volumus. Idcirco notum sit omnibus sanctæ Dei Ecclesiæ fidelibus & nostris presentibus atque futuris quia quidam fidelium nostrorum regni Septimaniæ Vassus noster, nomine Teodofredus, nostris obtulit obtutibus auctoritatem avi nostri Karoli, qua continebatur qualiter patri suo, nomine Iohanni, præscriptus bonæ memoriæ avus noster Karolus concesserat villarem ad laborandum qui vocatur Fontes, cum omni sua integritate, & quantumcunque ille in Fontejoncosa de heremi vastitate traxit cum suis hominibus. Ostendit etiam nobis epistolam Domni & genitoris nostri Hludovici piissimi Augusti ad Sturmionem Comitem directam ut prædictam villam, id est Fontes, memorato Iohanni absque ullo censu & inquietudine habere dimitteret. Propter quam epistolam avus noster Karolus, ut in sua auctoritate continetur, illi fieri iussit hoc. Unde & prædictus fidelis noster nostram deprecatus est misericordiam ut nos denuo prædictam villam, quemadmodum Dominus avus noster Augustus ac serenissimus Augustus genitor noster patri suo per eorum litteras confirmaverunt, nos denuo illi cum sua integritate vel termino confirmare dignemur. Quapropter & has litteras nostras illi fieri iussimus; per quas volumus atque firmamus ut prædictus qui moderno habet fidelis noster Teodofredus prædictam villam Fontes perpetuo tenere, habere, & absque ullius inquietudine possidere. Et condono tibi quid pater tuus aut Vvilimirus vinctulus tuus aut homines illorum in villa Fontejoncosa habuerunt per aprifione cultum vel incultum tu fecisti sive feceris cum homines tuos, absque paratas aut veredos, & habeas, necnon posteritas tua, absque censu. Et ut hæc auctoritas confirmationis nostræ firma valeat permanere, de anulo nostro subter eam iustissimus sigillari.

Tonas Diaconus ad vicem Hludovici recognovit & subscript.

Data Non. Iun. anno IIII. Indictione VII. regnante Karolo gloriosissimo Rege.

Actum in monasterio sancti Saturnini prope Tolosa in Dei nomine feliciter. Amen.

Tom. II.

L X I.

Item aliud pro monasterio sanctæ Grate in diecesi Vrgellensi.

IN nomine sanctæ & individue Trinitatis, Karolus gratia Dei Rex. Si illius amore cujus munere ceteris mortalibus prælati sumus, petitionibus servorum Dei iustis & rationabilibus annuimus, & loca divino famulatu consecrata congruis munificentia nostræ beneficiis ad divinum cultum uberius exequendum opem ferimus, præmium nos à Domino remunerari fideliter credimus. Igitur notum esse volumus cunctis sanctæ Dei Ecclesiæ fidelibus & nostris presentibus atque futuris quia Geila venerabilis Abba ex monasterio quod dicitur sancta Grata, quod est situm super fluvium Bolegia, constructum siquidem in honore sanctæ Dei genitricis Mariæ, nostris obtulit obtutibus auctoritatem Domni & genitoris nostri Hludovici serenissimi Augusti, qua continebatur qualiter prædictum monasterium, cum cellula sibi subiecta, que dicitur sancti Fructuosi, & villa que dicitur Serras, cum suo terminio, Possedonius Episcopus de heremi vastitate ad culturam frugum perduxisset. Et postmodum veniens in memorati genitoris nostri præsentiam, prædictum monasterium contulit ut sub defensione atque mundeburdo piissimi genitoris nostri confisteret, & perpetuo ibidem Domino monachi famularent, ita ut nullius ditioni subditi essent nisi solius Dei, & semper sub defensione atque immunitate Regis confisterent. Unde & memoratus Augustus, ob deprecationem Matfridi Comitis prædictique Episcopi Possedonij, prædictum monasterium per immunitatis suæ præceptum sub sua defensione atque protectione suscepit. Quapropter supra scriptus Abba Geila nostram deprecatus est clementiam ut nos denuo prædictum monasterium, cum monachis ibidem Deo famulantibus, & cum omnibus rebus quæcunque, sicut diximus, ipsi de heremo traxerunt, sive quorumlibet religiosorum hominum Deumque timentium hominum illuc contulerunt, ibidem iuste legaliter pertinentibus, sub nostra tuitione atque defensione recipere dignemur. Propterea has nostræ auctoritatis litteras prænominato Abbati suisque monachis ex prædicto monasterio fieri iussimus; per quas fidelibus nostris notum fieri volumus memoratum monasterium cum præfata cella & eorum omnibus appendiciis vel cunctis rebus, sicut Domni & genitoris nostri fuit, nostrum proprium esse, & sub nostra semper defensione atque tuitione consistat, ut nullus Episcopus aut Comes vel Missus discutrens ibi aliquam dominationem aut tyrannidem potestatem exerceant, nisi quemadmodum canonica auctoritas iuber, nec aliquam redhibitionem aut inlicitam occasionem illis inferre præsumat. Et ideo quia præfatum monasterium, sicut sub potestate Domni & genitoris nostri consistere visum est, modò sub nostra tuitione esse dinoscitur, concedimus monachis sub sancta regula ibidem degentibus ut post præfati Abbatis successorumque ejus discessum licentiam habeant

An. 844.
Ex archie-
vo Ecclesiæ
Vrgellen-
sis.

Y Y y y ij

eligendi Abbatem; qualiter ibidem Deo militantes securus & quietus sub monastica vita degentes, pro nobis & conjugum proleque nostra Domini misericordiam adtentius exorare valeant. Et ut hæc auctoritas per curricula annorum inviolabilem atque inconvulsam obtineat firmitatem, & à fidelibus sanctæ Dei Ecclesiæ & nostris verius certiusque credatur & melius conservetur, de anulo nostro subter iussimus sigillari.

Signum Karoli gloriosissimi Regis.

Ionas Diaconus ad vicem Hludovici recognovit & subscripsit.

Data v. Idus Iuni anno 1111. Indictione VII. regnante Karolo gloriosissimo Rege.

Actum in monasterio sancti Saturnini prope Tolosâ in Dei nomine feliciter. Amen.

L XII.

Item aliud pro monasterio sancti Petri Bisuldunensis in diocesi Gerundensi.

An. 844.
Ex archi-
vo monas-
terij Aru-
lensis.

IN nomine sanctæ & individue Trinitatis. Karolus gratia Dei Rex. Si petitionibus servorum Dei iustis & rationabilibus aures celsitudinis nostræ accommodamus, & eorum suggestiones, quas nobis pro necessitate sua insinuaverint, ad effectum perduxerimus, non solum in hoc regiam exercemus consuetudinem, sed etiam ad æternæ retributionis mercedem nobis talia facta profutura confidimus. Ideo noverit sagacitas seu utilitas omnium fidelium tam presentium quam & futurorum qualiter religiosus vir Domnulus Abba ex monasterio sancti Petri, quod ipse in pago Bisuldunense super fluvium Sambuga unâ per licentiam Ramponi Marchionis propriis manibus construxit, ad nostram accedens clementiam, deprecatus est nos ut prædictum locum ei concederemus, atque more regio ipsum sibi commisso supra dictumque monasterium cum cellulis ibidem aspicientibus quæ nuncupantur sic, in loco qui dicitur Ceresius Ecclesia in honore sancti Michaelis Archangeli, novo opere constructa, & in altero loco qui dicitur Casa Mauri, Ecclesia in honore sancti Romani constructa seu villares, Albinianum scilicet, & Bucariolas, omnibusque rebus & hominibus eidem monasterio iuste legaliterque pertinentibus, sub defensionis nostræ tuitione immunitatisque munimine recipere dignemur. Cujus petitionibus clementer annuimus, atque eum, sicut postulavit, prædictumque monasterium sub nostræ defensionis munimine recepimus. Quin etiam hoc * reverentiæ nostræ præceptum fieri iussimus, per quod præcipimus atque iubemus ut nullus iudex publicus vel quislibet ex judiciaria potestate in Ecclesias aut loca vel agros seu reliquas possessiones memorati monasterij, quas moderno tempore infra ditionem regni nostri iuste & rationabiliter possidet, vel quæ deinceps aut per nos aut per alios quosque fideles ac Deum timentes in jure ipsius sancti loci voluerit divina pietas augeri, ad causas audiendas, vel freda exigenda, aut mansiones vel paratas faciendas, necnon & fideiussores tollendos, aut homines ejusdem Ecclesiæ tam ingenuos quam & servos super terram ipsius com-

* excellen-
tior.

manentes distringendos, nec ullas reditiones aut illicitas occasiones requirendas, nostris nec futuris temporibus ingredi audeat, vel ea quæ supra memorata sunt penitus exigere præsumat; sed liceat jam dicto Domnulo Abbati suisque successoribus res prædictæ Ecclesiæ absque alicujus impedimento aut minoratione sub immunitatis nostræ defensione quieto ordine possidere; & quicquid exinde fisco sperare poterat, totum nos pro æterna remuneratione eidem Ecclesiæ concedimus, ut in alimonia pauperum & stipendia servorum Dei ibidem Deo famulantium proficiat in augmentum. Et quandoquidem divina vocatione supradictus Abba vel successores ejus de hac luce migraverint, quandiu ipsi monachi inter se tales invenire poterint qui ipsam congregationem secundum regulam sancti Benedicti regere valeant, per hanc nostram auctoritatem licentiam habeant ex se eligendi Abbatis; quatenus eos pro nobis atque stabilitate regni nostri jugiter Dei misericordiam exorare delectet. Hæc verò auctoritas ut omni tempore inviolabilis valeat permanere, manu propria subter eam firmavimus, & anuli nostri impressione signari iussimus.

Signum Karoli gloriosissimi Regis.

Deornarus Notarius ad vicem Hludovici recognovi.

Data V. Idus Mai Indictione VII. anno 1111. regnante Karolo glorioso Rege.

Actum in monasterio sancti Saturnini prope Tolosâ in Dei nomine feliciter. Amen.

L XIII.

Item aliud pro monasterio Arulensi.

IN nomine sanctæ & individue Trinitatis. Karolus gratia Dei Rex. Si erga loca divinis cultibus mancipata propter amorem Dei ejusque in eisdem locis sibi famulantes beneficia opportuna largimur, præmium nobis apud Deum æternæ remunerationis rependi non diffidimus. Idcirco noverit omnium fidelium nostrorum tam presentium quam futurorum solertia quia vir venerabilis Recefendus Abba monasterij sanctæ Mariæ in Arulas veniens ad nos obtulit obtutibus nostris auctoritatem Domni & genitoris nostri Ludovici Imperatoris, qua continebatur qualiter prædictum monasterium, ædificatum à Castellano condam valle quæ dicitur Asperia, sub sua immunitate atque defensione cum monachis ibidem Deo famulantibus & omnibus rebus ad se pertinentibus plenissime suscepisset. Vnde præ-nominatus Abba Recefendus nostram deprecatus est clementiam ut prædictum monasterium de-novo cum monachis ibi consistentibus & cum cellulis ibidem aspicientibus, id est, cum Ecclesia sancti Martini ad ipsas felonicas, in via quæ discurrit ad ipsas clusas, cum ceteris rebus ad prædictum monasterium sanctæ Mariæ pertinentibus vel aspicientibus, sub nostro recipere-mus mundeburdo atque tuitione; quatinus idem monachi, cum omnibus ad eos pertinentibus, quietè atque securè viverent. Cujus precibus ob amorem Dei & reverentiam divini cultus aures ac-

An. 844.
Ex eodem
archivo.